



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Petri Chrysologi Archiepiscopi Ravennatis, viri
eruditissimi atque sanctissimi, Sermones In Evangelia De
Dominicis & festis aliquot solemnioribus totius anni,
insignes & peruetusti**

Petrus <Chrysologus>

Lvgdvni, 1623

In verba eiusdem, Nescitis quod hi qui in stadio currunt, & c. Sermo CXIX.

[urn:nbn:de:hbz:466:1-50232](https://nbn-resolving.org/urn:nbn:de:hbz:466:1-50232)

quam tu periisse deslebas, speciem resurgit & formam; ut te homo triticum non tam doceat manducare, quam sapere: non tam cogat laborare, quam credere. Reliqua nos taceamus, quia & unde, & quando & quomodo, & per quem mors venerit, beatus Apostolus plano & satis lucido ac diuino declarat eloquio. Homo, accipe fidem, quia gratis datur: crede resurrectionem, quia qui promittit illam, precium non requirit.

In verba eiusdem, Nescitis quod hi qui in stadio currunt, &c. Sermo C X I X.

BEatus Apostolus Paulus non solum per doctrinam legis, sed seculi huius exemplo ad coronam nos gloriæ cœlestis hortatur. Sic enim inter cætera **1. Cor. 9.** ait, ut audiuit dilectio vestra, *Nescitis, inquit, quod hi qui in stadio currunt: omnes quidem currunt, sed vnus accipit brauium?* Et addidit: *Sic, inquit, currite, ut comprehendatis.* Secundum terrenum exemplum, multi quidem, ut ait Apostolus, in stadio currunt, sed vnus accipit coronam, id est, ille qui melius currit: ita & in stadio vitæ præsentis, multi quidem currunt, sed vnus accipit coronam. Currunt Iudæi per legem, currunt Philosophi per inanem sapientiam, currunt & hæretici per falsam annunciationem, currunt catholici per veram fidei prædicationem, sed de his omnibus vnus coronam accipit, id est, populus catholicus, qui recepto fidei cursu tendit ad Christum, ut ad palmam immortalitatis, coronamque perueniat. Quapropter & Iudæi, & Philosophi, & hæretici in vacuum currunt, qui non recto fidei tramite gradiuntur. Quid enim prodest Iudæis currere per observationem legis, qui Christum Dominum legis ignorant? Currunt & Philosophi per inanem sapientiam

sapientiam seculi, sed superfluous & vacuus cursus ip-
 forum est, qui veram Christi sapientiam nesciunt.
 Vera enim sapientia Dei Christus est, quæ non orna-
 tur verbis, nec luculenta oratione, sed fide cordis
 agnoscitur. Currunt & hæretici per venenatam fidei
 sui assertionem, currunt per ieiunia, currunt per ele-
 mosynam, sed peruenire ad coronam nequeunt: quia
 nõ currunt: falsa enim fides eorum veræ fidei gratiam
 accipere non meretur. Manifestat hoc Apostolus alio
 loco, cum dicit. Et si distribuero omnem substantiam
 meam pauperibus, & si tradidero corpus meum igni
 vt ardeat, charitatem autem non habeam, nihil mi-
 hi prodest. Non enim habet charitatem Christi, qui
 Christo non fideliter credit. Et ideo bene addidit
 Apostolus, dicendo, *Sic currite, vt comprehendatis.* Cur-
 rere ergo debemus fideli cursu in fide Christi, in
 mandatis Dei, in operibus iustitiæ, vt ad coronam
 æternæ vitæ peruenire possimus. Denique quem-
 admodum nobis currendum est: idem Apostolus cõ-
 sequenter ostendit, dicendo. *Omnes, inquit, qui in ago-
 ne contendit, ab omnibus continens est: & illi quidem vt
 corruptibilem coronam accipiant, nos autem incorruptibi-
 lem.* Vide quibus nos Apostolus exemplis ad coro-
 nam promissæ immortalitatis inuitat. In agone isto
 terreno qui vincere volunt, abstinent se à cibis qui-
 busdam, à potu nimio: abstinent ab omni immundi-
 tia, sub tanta castitate, vt etiam propria coniugia non
 requirât: nec aliter se vincere posse sperât, nisi corpus
 suum castum, pudicumque seruauerint. Et post tan-
 tum laborem quid aliud quam paruum, & corrupti-
 bilem, & vilem quidem coronam accipiunt: Si ergo
 pro corruptibili corona tantus labor à quibusdam
 suscipi ur: quanto magis nos omnem laborem susti-
 nere debemus, quibus præmium cœleste, & æternæ

1. Cor. 13.

D

gloriæ

gloriæ corona promittitur? Est ergo nobis agonizandum non leui certamine: certamus enim contra spiritualia nequitiae, contra diabolum & angelos eius: certamus contra iniustitiam, contra impietatem, contra malitiam, contra impudicitiam, contra diuersas illecebras peccatorum. Et si certantes vincimus, tot coronas accipimus, quot vitiorum victores fuerimus. Magnus itaque agon iste est, in quo spectaculum domino exhibemus: spectamur enim certantes à domino: spectamur ab angelis eius: in terra vincimus, sed præmium virtutis in cœlestibus accipimus. Denique sancti martyres in agone certaminis positi, non solum vitia peccatorum, sed ipsam mortem vicerunt, & præmia immortalitatis susceperunt. In hoc agone primo Dominus & Saluator noster, & certauit & vicit, vt nobis exemplum certaminis & victoriæ demonstraret. Hæc ergo vobiscum tractantes, semen boni certaminis iniicimus in cordibus vestris, tanquam sulcata inuenientes pectora vestra aratro iustitiæ. Colite igitur verbum quod sparsimus in vobis, vt possit germinare quod fatum est. Deus autem visitatione sua, rore suæ vos pietatis infundat: & det incrementum seminibus nostris, quo possitis in collectis manipulis meritorum ad fructum centesimum peruenire.

*In verba eiusdem, Nolite configurari huic sæculo, &c.
Sermo CXX.*

Mat. 5.

CHristus Apostolos sal esse hodie patefecit, dicendo: Vos estis sal terræ. Ne quis ergo impatienter ferat, si beati Pauli verba vt grana diuini solis terimus: quatenus altius soporati sensus intelligentiâ condire possimus. Grana enim salis integra saliunt, quatenus in medullis ipsa subtilius attenuata descendunt